

جریده علمیہ

مشیت جلیلہ، اسلامیہ نمک جریدہ، رسمہ سید

ذی الحجہ ۱۳۳۵

عدو: ۳۳

آیدہ بر نشر اولور

اویچی سنہ

فتوای شریفہ

حج

اوزرینہ حج فرض اولوب حج ایتدین خسته اولمقله حجدن عاجز اولان زید شوقدر
غروش عمروه هبه وتسليم ایدوب عمرو دخی اول مال ایله زید ایچون حج ایتدکن
صکره زید فوت اولسه زیدک عجزی موتنه قدر مستمر اولسه بیله زیددن فرض حج
ساقط اولمش اولورمی **الجواب** : اولماز .

★ ★

نکاح

هند زیده کندوی تزوج ایتک ایچون ارکنک نامنه شوقدر غروش ووروب زیددخی
هندی تزوج ایلسه هند مبلغ مزبور زیددن استردادہ قادره اولورمی **الجواب** : اولور .

★ ★

زید زوجہ سی ہندک خالہ سی قزی زینبی تزوج ایدوب ہندایله جمع ایتک جائز اولورمی
الجواب : اولور .

*
*
*

ہند صغیرہ نک ولی اقربی اولان لابوین عمی اوغلی زید مدت سفر بعید اولان آخر
 دیارده اولمقلہ صغیرہ نک زید دنصکرہ ولی اقربی لاب عمی اوغلی عمرو ہندی کفو خطبی
 بکرہ مہر مثلیلہ تزویج ایلسہ زید کلدکده اذنم بولنمادی دیو عقد منہوری فسخہ قادر
 اولورمی **الجواب : اولماز .**

*
*
*

نقہ
 زید زوجہ سی ہندی بلانفقہ براغوب آخردیارہ کیدوب خرجلق دخی کوندرماسہ
 زیدک باباسی عمرو موسر زیدہ رجوع ایتک اوزرہ ہندی اتفاقہ مجبور اولورمی **الجواب**
 اولور .

*
*
*

ہند صغیرہ نک آناسنک اناسی وحاضہ سی زینب ہندایچون باباسی زید اوزرینہ حاکمہ
 یومی شو قدر آچہ نقہ تقدیر ایتدیروب راستدانہ اذن حجنی آلوب لکن زینب استدانہ
 ایتیوب و ہند ایچون مستقلاً طعام طبخ ایتیوب ہند زینبک نفسیچون طبخ ایتدیکی
 طعامدن زینبک اباحہ سیلہ بر مدت زینب ایلہ اکل ایلسہ زینب مجرد نقہ تقدیر ایتدیروم
 دیو نقہ مقدرہ بی زیددن آلفہ قادرہ اولورمی **الجواب : اولماز .**

*
*
*

پیر فانی اولوب کار وکسبہ قدرتی اولیان زید فقیرک لابوین ارقرنداشی اوغلی عمرو
 موسردن غیری کسہ سی اولماسہ زیدک نقہ سی عمرو اوزرینہ لازمہ اولورمی **الجواب : اولور .**

*
*

حضانه

زید زوجه مطلقه سی هندك حضانه سنده اولان ولد صغيرنى هندك منزلده كوردوب
زيارته قناعت ايتيوب هندك اذتسز هفته ده بركون كندى منزله كتورمه كادراولورمى
الجواب : اولماز .

★ ★

هند صغيره نك اناسى وحاضنه سى زينب فوت اولدقده هندى اجانبدين خديجه بغيرحق
اخذ ايلسه هندك لاب قز قرنداشى قزى رقيه دن غيرى كمنه اولماغله رقيه هندى رآى
حاكمه خديجه دن آلوب تربيه وامساكه قادره اولورمى الجواب : اولور .

★ ★

زید صغيرك اناسى وحاضنه سى هند نفسى صغيره اجنبى اولان صغيرك رضاعاً باباسى
عمروه تزويج ايلسه صغيرك عمه سى زينب صغيرى بحق الحضانه هندن آلفه قادره اولورمى
الجواب : اولور .

★ ★

رضاع

زید نسباً قرنداشى عمروك رضاعاً قز قرنداشى هندك نسباً قزى زينبى تزوج مراد
ايتدكه هندوزينب زيدك والده سنى امشله اولمايحق زينبى تزوج جائز اولورمى الجواب
اولور .

★ ★

طلاق

زید زوجه مدخول بهاسى هندى تطليق ايدوب بعده عمروزيد هندى بر طلاق ايله مى
تطليق ايتدك يوخسه اوچ طلاق ايله مى تطليق ايتدك ديو سؤال ايتدكه زيد بر ايكى
اوچ درت بش ديوب بووجهله اقرار ايلسه هند اوچ طلاق بوش اولورمى الجواب :

اولور .

★ ★

زید زوجه سی هند ایچون نسباً قز قزنداشمدر دیسه هندك نسبی معروف اولوب
زیدك قز قزنداشی دكل ایکن مجردزید بویله دیمکله هندزیددن بوش اولورمی **الحجاب :**
اولماز .

★
★ ★

تهیدینی ایقاعه قادر اولان زید عمروه زوجه مهندی تطلیق ایلدم دیو تحریر ایله دیو
اکراه معتبر ایله اکراه ایلمکله عمرو دخی زوجه مهندی تطلیق ایلدم دیو مکرهاً تحریر
ایلسه مجرد وجه محرراوزره تحریر ایتمکله هند زیددن بوش اولورمی **الحجاب :** **اولماز .**

★
★ ★

مراجعة

زید مهندی تزوج ایدوب خلوت صحیحه بولندقدنصکره زید هنده دخول ایتمدین بوش اول
دیسه زید هنده عدتی ایچنده مراجعة قادر اولورمی **الحجاب :** **اولماز .**

★
★ ★

نسب

زید آخر دیارده ایکن زوجه سی هند وضع حمل ایدوب بعده کلوب احباب تهیه ایتدکلرنده
زید سکوت ایدوب بعده زید ولد مزبور بدن دکدر دیسه ولدك نسبی زیددن متنی
اولورمی **الحجاب :** **اولماز .**

★
★ ★

وقف

بر وقفك متولیسى اولان زید وقف مزبورك نظارتی دخی کندویه توجیه وبرات
ایتدیروب نظارت مرقومه بی تولیت ایله جمع ایتمك جائز اولورمی **الحجاب :** **اولماز .**

★
★ ★

ما قول شیخ الاسلام

فما اذا عين الواقف لمسجده امامين احدهما للصلاة الجهرية والاخر للسرية فهل يجوز ان تجتمع هاتان الوظيفتان في رجل واحد **الجواب** لا يجوز

★ ★

بيع

زيد مرض مومته بعض اشياى عمره و اجنبي به محاباته بيع وتسليم ايتد كد نصكره زید فوت اولوب ثلث محاباته مساعد اولماسه ورثه سی عمروه محابادن ثلث مساعد اولمادینی مقداری تکمیل ایله والایبی فسخ ایدرز دیمکه قادر اولورلرمی **الجواب** : اولورلر .

★ ★

ضمان

زيد عمروه بكره وير ديو شوقدر آتجه و يروب عمرو دخي مبلغ مزبورى بكره كوتور وير ديو امينى اولان بشره ويرد كدن صكره مبلغ مزبور بشره يندنه تعدى وتقصير نسز ضايع اولسه بشره يا عمروه ضمان لازم اولورمى **الجواب** : اولماز .

★ ★

ترجيح بينات

زيد زوجة مدخول بهاسى هندى باينا تطلق ايدوب هندك عدتى منقضيه اولمدين زيد فوت اولدقده هند زيدك ورثه سندن زيد بنى مرض مومته رضاسز تطلق ايلدى ديو دعوى واقامت بينه ايدوب ورثه دخي زيد سنى صحتده تطلق ايلدى ديو دعوى واقامت بينه ايدوب ايكي طرف دخي طلاقك وقت واحده اولديغنه اتفاق ايلسه لورثه نك بينه سى اولى اولورمى **الجواب** : اولور .

★ ★

هند متوفاتك زوجى زيد قاين اناسى اولوب قرق ياشنده اولان زينب ايله بر منزلده ساكنلر اولق احتمال فتنه اوليحق جائز اولورمى **الجواب** : اولماز .

★ ★

شرب

قديمدن بحق زيدك عرصه سنه جريان ايدن صويى عمرو بغير حق مجراى قديمندن اخراج وكندى عرصه سنه اجرا ايدر اولسه زيد اول صويى كالاول عرصه سنه اجرايه قادر اولورمى **الجواب** : اولور .

★ ★

زيد وعمر ك يينلرنده مشترك بر نهر صغيرك قربنده برك باغى اولوب لكن اول باغك نهر مرقومدن حق شربى اولماسه بكر مجرد نهر مزبور قربنده اولمقله بندخى اول باغى نهر مزبوردن سقى ايدوم ديمكه قادر اولورمى **الجواب** : اولماز .

★ ★

زيدك تصرفنده اولان تارلانك قديمدن بر ماء جاريدن وضع معين اوزره حق سقى اولوب زيد اول تارلابى برقاج سنه سقى ايتيوب تعطيل ايلسه حالا زيد اول تارلابى وضع قديم اوزره سقى مراد ايتدكده ماء مزبوردن حق سقى اولان كمسنلر تارلانك قديمدن حق سقى اولديغنى معترفلى ايكن مجرد برقاج سنه سقى ايتماكله حقت ساقط اولور ديو زيدى سقيدن منه قادر اولورلرمى **الجواب** : اولماز لر .

★ ★

وصايت

زيد وصيلرى اولديغنى صغارك ماللرندن صغارك نفقه و كسوه لرينه قدر معروف صرفنده يعنى ايله مصدق اولورمى **الجواب** : اولور .

★ ★

زید رضاعاً قز قزنداشی هندی تزوج ایدوب بینلری قفریق اولمیدین زید فوت اولسه هند زیده وارثه اولورمی **الجواب : اولمیر .**

سرالمصطفیٰ کاظم
رحمۃ اللہ علیہ

فتوا خانہ عالی مقرراتی

حق حضانه نك سقوطندن صوكره اذن قاضيه استدانه اولنان صغيرك نفقه مقدره سی ايله باباسی اوزرینه مطلقه سنك رجوعی حقنده [*]

مندرجات استفادان منفهم اولدیقنه نظراً مطلقه مزبورہ مدت حضانه نك انتقضاسندن صكره اولان مبالغ مستدانہی دخی زوج مطلق زیددن المفہ قادره اولور .

★ ★

اراضی امیرہ دن ایکن بعدالوقف مدت طویلہ بروجه وقیت تصرف اولنان ارض حقنده اقامہ اولنه جق دعوانك مسوع اولیہ جفنه دائر [*]

بر كسه نك یدتصرفنده بولنان برشيثك متصرفی یدندن تزعی آخر طرفندن اقامہ

[*] بوبابده فكه قضاسی قاضیلك نك ۱۹ شعبان ۳۳۵ و ۹ حزیران ۱۳۳۳ تاریخلی تحریراتی صورتیدور :

زید مجلس شرعده زوجہ سی هندی ذمتنده متقرر ومفقود علیہ مهر مسماستدن برمقدارن تأدیه وبقیه مطلوبیله نفقه عدت معینه وسائرہ سندن ذمتی بریثہ اولق وهندك بعدالطلاق اوضاع وحضانه سنده بولنان درت آیلق صغیره قزنی دخی شهری ۱۴۹ غروشلہ ارضاع وانفاق واکسا ایتك اوزره بالتراضی محالماً تطلیق ایدوب قاضی نفقه مقدره مذ کوره بی استدانہ بی دخی اذن وبردکدن برمدت صكره هند نفسی قزی صغیره بی اجنبی بی تزوج ایتكله حق حضانه دن ساقطه اولدیقنده بی صغیره بی برمدت ارضاع وانفاق واکسا ایدوب باباسی زیدحق حضانه سقوطندن صكره کی مدت طرفنده قزی صغیره نك مذ کور نفقه مستدانہ سی ویرمام دیمكه قادر اولورمی .

بالابه عرض وتحریر ایدیلان مسئله متحققه نك حل وفصلنده تردد حاصل اولغله لطفاً ایجاب شرعینك افنا واعاده سنه مساعدتہ سائی جناب فتوا پناهیلری شایان بیورلق معرضنده وقاطبہ احوالده امر وفرمان حضرت ولی الامرکدر .

[**] بوبابده دفترخاقانی امانتنك ۲۲مارت ۱۳۳۳ تاریخلی و ۱نومرولی تذکره سی صورتیدور : اراضی واسعه معلومه بی تعلقندن طولانی (سلاطین عظام جانبندن یا بالادات اذن سلطانی ايله